

550

1497.

1553.

Entwurf der Leibzuchtverschreibung Graf Edzards für seine künftige Gemahlin Elisabeth von Rietberg.

Konzept, Pap. im Archive des Grafschaftsbesitzers Herrn Tenge zu Rietberg.

(Juli) ¹⁾ 1497.

Wy her Edezart, greve tho Oistfresland, enkennen unde betughen oppenbar in dussem breve vor uns, unsse erven, anerven unde alle, de des myt rechte mochten to donde hebben, dat wy in der besten wyse, sake unde formen, als wy van rechtswegen konnen unde moghen, de eddelen unde wolgeborn frouwchen Elizabeth vame Retberge, unsse leven husfrouwen, beliffuchtiget hebben und jeghenwerdich in kraft dusses breffs beliffuchtigen so, oft wy er ör na dem willen Godes verstorven, myt eyne unssem slotte, gnant Lengede, myt dem tobehorigen acker, vorrade und denste des dorpes darsulffs, darto alle jar drehundert golden Rinsche gulden an golde, unde darto vor hundert dersulven gulden speck, bottern, kese, vlech, korne unde anders, alle jar tusschen Michaelis unde Martini, uthe unssen friggghen ampten und gudern a b c tho hantrekende unde to erem willen unvertochlik wol to betalende unde to vernoghende up dat slot Lengede vorgescr., vermitz den amptluden unde vogeden der vorg. guder, de to solker betalinge myt eren lyfliken hulden unde eden erer leffde sollen verstricket syn. Were er ok de wonyng des slottes Lengede vorgescr. nicht bequeme to bewonende, edder oft sik erfelle, uns oft unssen erven des slottes umbe vehede nener behoff worde, dan sollen wy oft unsse erven oer to erem kore eynen hoff off erlike bequeme wonyng in unssen steden Emeden ofte Norden in stede des slottes Lengede ordineren und bestellen, sunder ere kost unde schaden, unde de vorgescr. verhundert guldene an rente, golde unde leverancien vorberort, und ok vor den tobehorigen acker, vorraid unde denst des slottes unde dorpes Lengede vorg. na redeliker erkantnisse andere gude wisse wederstedyng van ghe-likem ghewerde wysen unde or de in den vorg. hoff off wonyng frig, ledich unde unbekummert bestellen unde volghen laten. So se aver in solker liffucht twe jar ghesetten hedde, unde or belevede uit unssem lande to treckene, dan sollen unsse erven oer to erem esshende und kore to eynem alyngen affdele gheven, vernoghen unde betalen, bliff se sunder lyffserven van uns beyden gheboren, viifdusent, erworve se avers lifferven, wo vorberort, verdusent goldene Rynsche guldene an eyner alyngen summen, unde or dartho ore kleydere, klenoyde, frouwliken tzirade unde rechticheit volghen laten, darmede ungelettet na erem willen hentrecken laten. Alle dusse puncte unde articlen bovenscreven loven und seckeren wy her Edezart, greve vorg., myt wolbedachtem mode, unde synnen vor uns den edelen juncher Uken unssen broder, unsse erven unde anerven, unde alle, de des myt rechte mochten to donde hebben, stede unde vast, unverbroken sollen gescheyn unde holden werden in guden truwen sunder argelist unde behelp jenighes rechten, dar wy ofte jemant (van) unsser wegghen, erven oft anerven, teghen dussen breff oft synen inholt mochten onden, segghen oft don, deggher genslich unde all vertegghen, overgheven unde verwylkoret hebben, de tho orkunde unsse ingesegel vor uns, unsse erven unde medebescreven an dussen breff gehan-

1553. ¹⁾ Datirt nach der folgenden Nummer.